



KENYATAAN MEDIA

KEMENTERIAN PERDAGANGAN DALAM NEGERI
DAN KOS SARA HIDUP

No. 13 Persiaran Perdana, Presint 2,
62623 Putrajaya

No. Telefon : 03-8882 5562

No. Fax : 03-8882 5569

DEBAT KEPENGGUNAAN PLATFORM PELAJAR IPT SUARAKAN PENDAPAT DAN CADANGAN BERKAITAN ISU KEPENGGUNAAN DAN KOS SARA HIDUP

CYBERJAYA, 15 JANUARI 2024 – Perasmian Majlis Penutup Pertandingan Debat Kepenggunaan Antara Institusi Pengajian Tinggi (IPT) Piala Menteri Perdagangan Dalam Negeri dan Kos Sara Hidup (KPDN) Tahun 2024 telah diadakan bertempat di Dewan Tun Canselor, Universiti Multimedia Cyberjaya (MMU).

Program Pertandingan Debat Kepenggunaan IPT Piala Menteri KPDN 2024 merupakan anjuran bersama Kementerian Perdagangan Dalam Negeri dan Kos Sara Hidup (KPDN), Majlis Debat Universiti-universiti Malaysia (MADUM) dan Universiti Multimedia Cyberjaya (MMU) yang telah berlangsung mulai 12 hingga 15 Januari 2024.

Program yang bertemakan “Kepenggunaan dan Kos Sara Hidup” bertujuan untuk meningkatkan pengetahuan pelajar IPT mengenai isu-isu kepenggunaan dan kos sara hidup yang sentiasa dekat dengan rakyat. Di samping itu, program ini mampu mencungkil bakat di kalangan pelajar IPT dalam kemahiran pengucapan awam, membina keyakinan diri dan berfikir secara kritis serta analitikal dalam memberikan pandangan dan respon terhadap sesuatu perkara.

Untuk makluman, sebanyak 40 buah IPT telah menghantar pasukan debat bagi pertandingan pada kali ini dan masing-masing melibatkan dua orang pendebat dalam setiap pasukan. Pertandingan yang dilaksanakan secara Debat Ala Parlimen British telah mengupas pelbagai isu berkaitan kepenggunaan dan kos sara hidup serta mengutarakan isu dan syor yang boleh dipertimbangkan lebih lanjut oleh pihak Kementerian untuk menangani isu tersebut.

Pihak KPDN sentiasa komited menyokong usaha dan kerjasama strategik dengan semua pihak termasuklah pihak universiti dalam meningkatkan kesedaran hak pengguna di kalangan pengguna muda. Pihak Kementerian percaya peranan yang dimainkan oleh pelajar IPT amat signifikan dalam menyebarkan pendidikan kepenggunaan di kalangan rakyat.

YB DATUK ARMIZAN MOHD ALI
Menteri Perdagangan Dalam Negeri
dan Kos Sara Hidup

###